

**Kiŋwakti ki Bəəl ki ninshiŋ kə wi ni
nyaka i kijuŋni ki
Tesalònika
Gia yə yi kə i Kiŋwakti ki
Tesalònika ki ninshiŋ kələ mə**

Tesalònika ni kə kwili widəkə i kimbu ki tumi ki Masedonia wə a num di biə Bəəl ni yisi kijuŋni ki bəni bə bumni. Yi ni ka dzə dəkə jəbi wi dəəŋ si kijuŋni kələ ni yisi, Bəju ka yisi i baiŋŋki Bəəl kindəŋ fini bə kəm wi. Bəəl ka nyaka kiŋwakti ki ninshiŋ kələ i bəni bə Klistus bə bə kə i Tesalònika i shiliki shóm yibə, fə a bə nôm dzəŋ bəh ŋga.

Kifwu ki gia kə ki kə i Kiŋwakti kələ mə

1:1 Kin'yisi

1:2-3:13 Bəəl wəkə ndzəŋni chu kəksi bəni bə bumni

4:1-12 Ntəfi kəm nəni ki bəni bə bə kə bə Klistus

4:13-5:11 Ntəfi kəm si Klistus bi fiəni dzəki

5:12-22 Ntəfi wi gəksini

5:23-28 Kiŋgəksi

¹ Akə mih Bəəl, mih kə buku Silas bəh Timəti. Mih nyakaki kiŋwakti kələ i kijuŋni ki bəni bə bumni bə kwili wi Tesalònika bə bə chiŋni num bəh Nyə Ba bəh Bah Jisəs Klistus.

Bə chūsi shəm yindzəŋni i mbein chu nyā mbein bəh kimbəinŋni.

*Bəəl nya kiyəŋni i Nyə kəm kijuŋni
ki bəni bə bumni bə Tesalònika*

² Buku si nya læ kiyəŋni i Nyə jəbi wichi kəm mbeinj bæchi, jiə mbeinj jəbi wichi i ntsa wibuku wə.

³ Jəbi wə buku kə i Nyə Bah wibukumbəinj nshinj, buku si kwaka læ nəni kimbeinj kə ki bukuki dzəki i shəm yə mbeinj jiə i Klistus wə, bəh nəm wimbəinj wə wi bukuki dzəki i kiŋkəŋ wə, bəh shəm yə mbeinj kaŋa, yi buku dzə i ntseinj wə mbeinj tseinjki tsəki a ninshinj i Bah wibukumbəinj wə Jisəs Klistus.

⁴ Bwa bə nih bəbuku bə Nyə kəŋki, buku kiəki læ a Nyə sabibwili mbeinj.

⁵ Buku kiəki læ yakadəinj kəm ntum wi ndzəŋni wə buku nŋ dzə bəh wi i mbeinj wi nŋ ka dzə a ndzaka wə shəŋ. Wi nŋ dzə num bəh ŋga biə bi nyəki dzəki i Kiŋ'waka ki Baiŋni wə tə, buku təkxi kiə a ntum wiwə kə ŋkəŋ. Mbeinj kiəki læ ŋkaiŋni bəni bə buku nŋ kə jəbi wə buku nŋ nəki i mbeinj kintəŋ kəm mbeinj.

⁶ Mbeinj nŋ dzə gvu yibuku bəh yi Bah kəm mbeinj nŋ dzə ntum wiwə bəh kilan gvu kə ki nŋ bukuki dzəki i Kiŋ'waka ki Baiŋni na si mbeinj nŋ kə i ŋgəkə wimbum wə.

⁷ Ayakadəinj, mbeinj ka fiəni chu bəni bə bəni bə bumni bæchi i kimbu ki Masedonia wə bəh ki i Akəya wə nŋ dzəki kinchəsi i bə.

⁸ Mih dzakaki kə læ kəm a kəkə a gia yi Bah shəŋ yə yi buku i kimbu kimbeinj wə, ka waŋ fiəli kimbu ki Masedonia bəh ki Akəya wə. Ntum wiwə kəm shəm yimbəinj yə mbeinj jiə i Nyə wə waŋ tsə tə i di bichi wə. Ayakadəinj, gia yidəkə chu məŋ yə buku kə i chu dzaka kəm yi.

⁹ Mbeinj kiə a bəni bəwə mwi fukuki læ kəm si mbeinj nŋ dzə buku i mbeinj kintəŋ, bəh si mbeinj nŋ bee miməsə fiəni i Nyə i nəmki i Nyə wi ŋkəŋ wə

wi kaŋaki nɔni.

¹⁰ Bɔ fukuki lɛ tɛ si mbeinj wɔkɔliki Wainj wi wɛ wi bi dza dzɛ i beinj. Wainj wi wɛlɛ kɔ wɛ wi nɔ dzasi i kpi wɛ, num Jisɔs wɛ wi bwiliki bukumbɛinj i shɔm yi Nyɔ yi bɔksini yɛ, wi bi chusiki i bɛni.

2

Bɔɔl dzaka kɔm nɔm wi i Tesalonika

¹ Bwa bɛ nih bɛbuku, mbeinj mwi kiɛki lɛ a njikɛ wɛ buku nɔ laa i mbeinj nɔ kɔkɛ wi kilɔlɔ.

² Na si mbeinj kiɛki a bɛni nɔ kɔ num bɔ nya ŋgɛkɛ i buku chu chɛbsi buku i kwili wi Filibi wɛ, buku nɔ kaŋaki a shɔm i ŋga bi Nyɔ wibuku wɛ i fukuki ntum wi ndzɔŋni wi Nyɔ wɛ i mbeinj, na si bɛni nɔ chiki buku nalɛ.

³ Ntum wi ndzɔŋni wɛ buku nɔ fukuki tsa mbeinj bɛh wi a nɔ kɔkɛ wɛ wi nɔ kɔ bɛh ŋgbɔ widɔkɔ, buku nɔ fukuki kɛ bɛh kiŋkwaka kichu kidɔkɔ, nabɛ i mɔmsiki i fwɔkyiki mbeinj fwɔkyini.

⁴ Ayakalɛ, si Nyɔ yeinj a buku kpɛinjni i bɛni bɛ wi kɔ i nya ntum wi ndzɔŋni wɛlɛ i kaŋ yibɔ wɛ, ayakadɛinj buku ka fukuki. Buku fuku kɛ lɛ a yi ndzɔŋki i bɛni. Buku nɔ fukuki a yi ndzɔŋki num i Nyɔ wɛ wi tseinjki num shɔm yibuku.

⁵ Si mbeinj kiɛki, buku nɔ ka num dzɛ dɛkɛ lɔ bɛh ndzaka wi njwɔni nabɛ i dzɔ gia yidɔkɔ kɛŋ i ninshinj i dzi fiɛŋ i mbeinj kaŋ. Yɛlɛ kɔ gia yɛ Nyɔ kɔ mbeinj nsaka wibuku.

⁶ Buku nɔ nɛŋki kɛ i kaŋa kiŋkɔksi kidɔkɔ i mi nabɛ kɛ ki nyɛ i mbeinj wɛ nabɛ i bɛni bɛdɔkɔ wɛ, namana yaka si a nɔ kɔ di bibuku ka bwa bɛ faaŋni bɛ Klistus i bikɛki a mbeinj fɛki gia i buku.

⁷ Buku ni kə fibuku i kimbəiŋni wə i mbeiŋ kintəŋ təkni bəh mbeiŋ asi nih waiŋ si təkni bəh bwa bu.

⁸ Ayakadəiŋ, buku ka dzə mbeiŋ i gwu yibuku wə na bindzəŋ bəh kiŋkəŋ, buku ni ka nya dəkə mbeiŋ bəh ntum wi ndzəŋni wi Nyə wə shəŋ, ayakalə buku ni nya tə gwu yibuku i mbeiŋ kəm mbeiŋ ni kə mbeiŋ chu shóm yibuku nalə.

⁹ Bwa bə nih bəbuku, mbeiŋ kwakaki alə nəm wibuku bəh kiliəkə kibuku a? Buku ni nəmki nchəkə bəh nshi ka buku ma jiə ntiə widəkə i mi wə i mbeiŋ kintəŋ, si buku ni fukuki ntum wi ndzəŋni wi Nyə wələ i mbeiŋ.

¹⁰ Mbeiŋ mwi na bəh Nyə kələ i beenj nsaka wibuku a nəni kibuku i mbeiŋ bəni bə bumni ni kə ki baiŋni bəh ki chəŋ kaŋa kə ŋgbə widəkə.

¹¹ Mbeiŋ kiə tə si buku ni fəki bəh mbeiŋ, fə bəh mbeiŋ asi tii waiŋ si fə bəh bwa bu.

¹² Buku ni shiliki shóm yimbeiŋ, ləbti mbeiŋ lumsi a mbeiŋ nəki nəni num kə Nyə nəŋki. A num Nyə wə wi bəŋ mbeiŋ a mbeiŋ liə i ŋkuŋ bi wə bəh mbum bi.

¹³ Buku baan kə tə i nya kiyəŋni i Nyə kəm yələ a jəbi wə buku ni dzə bəh gia yi Nyə i mbeiŋ, mbeiŋ ni dzə gia yiwə a akə na gia yi Nyə, a num kə gia yi mi. A num yi yə yi nəmki i mbeiŋ wə bəni bə bumni.

¹⁴ Bwa bə nih bəbuku, mbeiŋ kiə a, gia yə yi ni num bəh bijuŋni bi bəni bə bumni bə Nyə bə bə ni kə bə bum i Klistus Jisəs i kimbu ki Judea, yi ni num tə bəh mbeiŋ. Mbeiŋ ni kə mbeiŋ yeiŋ tə bəŋgəkə i kaŋ yi bəni bəmbeiŋ bə kwili wə a liŋ asi bə ni yeiŋ i kaŋ yi Bəju bəbə wə.

15 Bəju bələ kə bə nı wəə Bah Jisəs. Ayaka a num bə bə bə nı wəəyiki bəni bə ntum bə Nyə. A num bə bə bə nı kəŋŋ bwili buku i bə wə. Bə fəki yakadəiŋ Nyə wəkə kə ndzəŋni bəh bə. Bə baiŋŋyi lə bəni bəchi,

16 si bə baŋki dzəh i buku i dzakaki i bəni bə bə kəkə Bəju ka bə bəiŋ. Bə fəki yaka jəbi wichi chu bibə yaka. Shəm yi Nyə yi bəksini dzə lə i bə wə i liə.

Bəəl ka nəŋki i yeiŋ bəni bə bumni bə Tesalonika

17 Bwa bə nih bəbuku, si bukumbeŋ ni gaali, buku məmsi na bəh ŋga a buku yeiŋ mbeŋ shəŋ bəh dzəkəh, na si a məŋ dəkə i jəbi wi dəəŋ wə, si bukumbeŋ ni gaali. Bukumbeŋ ni gaali shəŋ a i dzəkəh cheiŋ. Bukumbeŋ ni ka gaali dəkə i shəm wə.

18 Buku nəŋki i fiəni dzə i mbeŋ. Mih Bəəl mwi kə num mih məmsi lə na i kiŋkani kiduli wə, ayakalə Satan baŋ a buku.

19 Buku kaŋaki kiŋkəŋ lə kəm gia yə buku tseiŋki tsəki i ninshiŋ kəm yi, nabə ndzəŋni bibukumbeŋ bəh kifə kibukumbeŋ kə buku bi ghaŋsiki gwu yeiŋ i Bah wibukumbeŋ nshiŋ wə Jisəs, jəbi wə wi bi fiəniki dzəki kə nə? A məŋ mbeŋ na?

20 Akə na mbeŋ mbum bibuku bəh ndzəŋni bibuku.

3

1 Ayakadəiŋ, jəbi wə buku nı yeiŋ a yi gaka buku, buku ka kəŋki i baan i jum wə i Aten a buku mbəŋ,

2 buku ka faan Timəti waiŋnih wibukumbeŋ wə buku bə nəmki i Nyə i fukuki ntum wi ndzəŋni kəm Klistus. Buku nı faan wi a wi dzə shılı bumni bimbeŋ, chu təfi mbeŋ kəm Klistus,

³ Buku fə lə ka mi i mbeinj ma ni chu i jum wə kəm bənjəkə bələ. Mbeinj mwi kiəki lə a bənjəkə kə fiəj fibukumbeinj.

⁴ Mbeinj kiəki lə a jəbi wə buku nī kə bəh mbeinj, buku nī fuku i mbeinj jəbi keinj a bukumbeinj kaŋaki i ni yəinjki bənjəkə. Ayaka yi num a linj asi yi kə asi mbeinj kiəki.

⁵ Akə gia yə yi nī fə mih, mih ka faaŋ Timəti. Yi nī kə yi gaka lə mih, yakadəinj mih ka faaŋ wi i dzə tseinj kəm kimum kimbeinj si ki kə ka mih kiəki, kəm mih nī lwaki lə a, a kələ i numki mi wə wi si məmsi bəni məmsi lə mbeinj wi fə nəm wichi wə buku nəm i mbeinj laka kilələ.

Timəti fuku ntum kəm bə kimum ki bəni bə Tesalonika

⁶ Ayakalə, i liə si Timəti fiəni dzə i buku wə, ka fuku ntum wi ndzəŋni kəm shəm yə mbeinj jiə i Klistus wə bəh si mbeinj chusiki kiŋkəŋ i bəni wə. Wi kə wi fuku tə si mbeinj kwakaki buku nalə chu nəŋ i yeinj buku asi buku tə kəŋki i yeinj mbeinj.

⁷ Kəm bə yələ, bwa bə nih bəbuku, i bənjəkə bəh ləli biə buku bəchi yeinjki shəm də buku kəm kimum kimbeinj bəh kəm shəm yə mbeinj jiə i Klistus wə.

⁸ I liə buku waka kəm mbeinj numki lə bindzəŋ mbeinj bəh Ba.

⁹ Ayakadəinj, buku nyaki kiyəŋni i Nyə nalə kəm mbeinj. Buku nyaki kiyəŋni i Nyə kəm ndzəŋni biə buku wəkəki i Nyə nshinj, bi num kəm mbeinj.

¹⁰ Buku tsaki na bəh ŋga nchəkə bəh nshi nəŋ i chu yeinjni danji gwu ka buku ni nya mbeinj bəh fiəj fiə fi kəbiki i bumni bimbeinj wə.

11 Buku tsaki a Nyɔ Ba wibukumbeyiŋ mwi, bəh Bah wibukumbeyiŋ wə wi kɔ Jisəs wɛli dzəh ka buku dzə yeiŋ mbeiyiŋ.

12 Buku tsa tɔ a Bah fə ma kiŋkəŋ kimbeyiŋ kɔɔki tsəki a ninshiŋ i kəŋki gwu yimbeyiŋ bəh bəni bəchi a liŋ asi buku kəŋki mbeiyiŋ.

13 Buku tsaki yakadəiyiŋ ka wi Bah fə ma shóm yimbeyiŋ ləkəkəki, ka mbeiyiŋ bi nŋmki kiŋgbɔ kidəkɔ kɔbi, bāiyiŋ i Nyɔ wə wi kɔ Ba num Bah wibukumbeyiŋ nshiŋ i jɔbi wə Bah wibukumbeyiŋ Jisəs Klistus bi dzəkəki bəh bəni bəchi bə akɔ mbu.

4

Nəni kə Nyɔ kəŋki

1 I kiŋgɔksi wə, bwa bə nih bəbuku, buku tsaki mbeiyiŋ kwuŋ kaŋ ka bəni bə bɔ chiŋni i Bah Jisəs wə, si mbeiyiŋ nŋ lani i buku si mbeiyiŋ kaŋaki i nɔki i dzəh yə Nyɔ kəŋki, asi mbeiyiŋ nɔki i liə, mbeiyiŋ fəki ayaka tsə a bəh ki i ninshiŋ.

2 Mbeiyiŋ kiəkəki lə bətəfi bə buku nŋ nya i mbeiyiŋ i ŋga bi Bah Jisəs wə.

3 Gia yə Nyɔ kəŋki, kɔ a mbeiyiŋ lansiki baiŋki. Mbeiyiŋ ma ndzəniki i biŋ.

4 Mi wimu wimu i mbeiyiŋ kintəəŋ kaŋaki i kɛkəki si wi kɔ i kaŋaki gwu yi i dzəh yə yi baiŋki yi kaŋa kiŋkəkni.*

5 Gwu yi mi ma shiliki ka mi i tumi kə ki kiəkəki kə Nyɔ.

6 Kiə mi i mbeiyiŋ ma məm i fə chu nabə i fə kimfikili i waiŋnih wi i gia yələ wə. Buku nŋ kiŋ lɔ

* 4:4 Yudəkɔ a, “Mi wimu wimu i mbeiyiŋ kintəəŋ kaŋaki i kɛkəki si wi kɔ i kaŋaki kpə wi i dzəh yə yi baiŋki yi kaŋa kiŋkəkni.”

gia yələ i mbeinj a Bah bi faan lə ɲgəkə i bəni bə bə fəki gia yələ yichi.

⁷ Mbeinj kiəki a Nyə nĩ ka bəəɲ bukumbeinj a bukumbeinj nəki nəni ki kinyey. Wi nĩ bəəɲ bukumbeinj a bə nəki nəni kə ki bāinjki.

⁸ Ayaka kə a, na ndə wə wi nəinj i wəkə ntəfi wələ wi ka nəinj dəkə i wəkə num i mi wiwəm. Wi nəinj i wəkə num i Nyə wə wi nyaki Kin'waka ki ki Baijmi i mbeinj.

⁹ Yə kəm kinjəɲ kə mbeinj kaɲaki i kaɲaki i bwa bə nih bəmbeyinj mbeinj kaɲaki kə i chu tseyinjki a buku nyaka kəm yəmaka i mbeinj. Gia yələ kə num mbeinj mwi kə num Nyə nĩ lani lə mbeinj yeyinj si mbeinj kaɲaki i kəɲki gwu yimbeinj.

¹⁰ I yi ɲkəɲ wə, mbeinj si kəɲ lə bwa bə nih bəmbeyinj bəchi i kimbu ki Masedənia wə. Ayakalə, bwa bə nih bəbukū, buku chu tsa a mbeinj fəki ayaka tsə a ninshinj ninshinj.

¹¹ Fwu wi gia kə a mbeinj məmsiki bəh ɲga i nəki i kimbəinjni wə, mbeinj tsəinjki a gia yə yi tseyinjki mbeinj. Mbeinj nəmkī bəh kaɲ yimbeinj asi buku nĩ lani mbeinj.

¹² Ayakadəinj, mbeinj ni kwati kinjəkəksi i bəni bə biɲ, mbeinj ma ni tseyinjki mi i fiɲ fiə mbeinj nəɲki.

Kəm ndzə wi Bah

¹³ Bwa bə nih bəbukū, buku nəɲki i fə a mbeinj kīə ɲkəɲ kəm bə bəni bə bə kə num bə kpiyi lə. Buku nəɲki i fə a mbeinj kīə ka mbeinj ma nūmkī bəh nsheyinj nsheyinj ka bəni bə bə tseyinjki tsəki kə i ninshinj i fiɲ fidəkə.

¹⁴ Bukumbein bum a Jisəs nɪ kpi fiəni dza i kpi wə, yi num a liŋ asi Nyɔ bi fiəni dzə bəh Jisəs bəh bəni bə bə nɪ kpiyi num bə chinɪni bəh wi.

¹⁵ Gia yə buku dzakaki i mbein i liə lə yi biəliki ndzaka wi Bah a, bukumbein bə bə baan i jum wə bə num i bi keinɪki bəwəm i jəbi wə Bah bi fiəni dzəkɪ bukumbein bi tsə kə i ninshin i bəni bə bə kə num bə kpiyi lə.

¹⁶ Mbein bi wəkəkɪ lə ja yi wamyini i bein bəh ja yiləkəli, fwu wi bəchinda bə Nyɔ wili tə, jəŋ wi Nyɔ dzaka. Ayaka ka Ba wi mwi dza bein wi shiki dzəkɪ. Ma bəni bə bə nɪ kpiyi num bə chinɪni bəh Klistus yisi dzayi.

¹⁷ Ayakadəin, bukumbein bə bə bəsi bə kein bəwəm i jəbi wiwə wə bukumbein bi banɪsi bəh bə i bein i bikwu wə i tsə banɪsi bəh Bah i bəəli wə. Ma bukumbein numki bəh Bah i jəbi wichɪ wə.

¹⁸ Ayakadəin, mbein bəinɪsiki tsəkɪ shóm yi mi mi bəh ndzaka wələ.

5

Si mi kə i wəkəlɪki ndzə wi Bah

¹ Bwa bə nih bəbuku, kəm bə jəbi bəh chəkə bi dzəni bi Bah, ŋgəkə widəkə chu mən wə mih kə i nyakaki gia yələ i mbein.

² Mbein mwi kiəkɪ lə na bindzən a chəkə bi dzəni bi Bah bi numki asi ji si dzə nchəkə.

³ Jəbi wə bəni ni dzakaki a, “Kimbəinɪni kələ, gia mən yə mi kə i lwaki”, ayaka ŋgəkə ni dza gbə i bə wə asi ləli bi nnəmɪh si dzə jəbi wə minɪkpaŋa kə bəh təə, dzəh ma ni chu num yə bə kə i yəkə gein yein.

⁴ Ayakalə, bwa bə nih bəbuku, mbeinj kəkə dəkə fimbeinj i jisi wə, ka jəbi wiwə bi təkəli dzə i mbeinj asi ji si dzə.

⁵ Mih dzakaki lə kəm mbeinj bəchi kə bəni bə baiņni, chu num bəni bə nshichuņ. Bukumbeinj num kə bəni bə nchəkə nabə i jisi wə.

⁶ Ayakadəiņ, kiə bukumbeinj ki nō kə si bəni bədəkə nōki. Bukumbeinj nūmki bəh ntsəņə bəh mfi bibukumbeinj feiņ.

⁷ Bəni bə bə si nə bə si nə num nchəkə, ayaka bəni bə mbih si kwa bə mə si kwa num nchəkə.

⁸ Ayakalə, si bukumbeinj kə fibukumbeinj num bəni bə nshichuņ, bukumbeinj numki bəh ntsəņə bəh mfi bibukumbeinj feiņ. Bukumbeinj dzô mbum bəh kiņkəņ aka chwaka ki kijum kə bə ləh baņ kijum kibukumbeinj yeiņ, bəh i dzô tə ntseiņ wə bukumbeinj tseiņki tsəki i ninshiņ i bi kwati mbəiņ a num wə bukumbeinj bwaņ aka kifə ki gəņ i bukumbeinj fuņ.

⁹ Mbeinj kiəki a Nyə nī ka sabibwili jiə bukumbeinj a wi bi chusi num shóm yi yi bəkəli yə. Wi nī sabibwili a bukumbeinj bi kwatiki num mbəiņ tsə dzəh i Bah wibukumbeinj Jisəs Klistus.

¹⁰ Jisəs Klistus kə wə wi nī kpi kəm bukumbeinj, kəņ bukumbeinj keiņki bəwəm yudəkə bə kpiyi bukumbeinj bi chiņni numki a bəh wi.

¹¹ Ayakadəiņ, mbeinj shīliki shóm yi mi mi i mbeinj kintəņ maa yaka tə mi mi asi mbeinj si fə lə.

Ntəfi wi gəksini bəh mbəni

¹² Buku tsaki mbeinj bwa bə nih bəbuku, a mbeinj kəksiki bəni bə bə nəmki i mbeinj kintəņ, bə təkni yaka bəh mbeinj i dzəh yi Ba wə, chu lani mbeinj.

13 Mbein chûsiki kin̄kaksi i bə na bindzəŋ i kin̄kəŋ kəm bəh nəm wə bə fəki. Mbein numki tə bəh nəni ki bənini i mbein kintəəŋ.

14 Buku chu tsa tə mbein bwa bə nih bəbuku a mbein t̄fi bəni bə bə kəŋki i numki a kilələ, l̄kəsi shóm yi bəni bə bə kaŋaki ndzaŋ, ḡamti tə bəni bə bə kə bəh ŋgbeni. Mbein n̄mki bəh ŋkaŋa wi shəm i bəni bəchi wə.

15 Mbein t̄kniki a mi ma ch̄ukuliki chu bəh chu. Mbein jw̄ki jəbi wichi i f̄aki num gia yindzəŋni i mbein kintəəŋ bəh i bəni bəchi wə.

16 Mbein n̄mki bəh kinsaŋli i jəbi wichi wə,

17 mbein ts̄aki jəbi wichi,

18 nȳa kiyəŋni i Nȳo i gia yichi yə yi numki. Yələ kə gia yə Nȳo nəŋki i mbein bə mbein kə i Jisəs Klistus Wə.

19 Kiə mbein ma ch̄iki nəm wi Kin̄'waka ki Baiŋni.

20 Kiə mbein ma ch̄asiki bəntum bə Nȳo bə bəni lakaki.

21 Mbein ts̄eŋki l̄kəki i gia yichi wə, dz̄ə yə yi kə yindzəŋni n̄m yein bein,

22 mbein bw̄li gwu yimbein i gia yichi yə yi kə yichu.

23 Mih tsaki a Nȳo mwi wə wi kə Nȳo wi kimboin̄ni, wə wi kə Nȳo f̄ə ma mbein baiŋki i gia yichi wə tsə bwili fwu. Wi j̄lə kin̄'waka kimbein bəh shóm yimbein bəh gwu yimbein yi bi numki kin̄gbə kəbi i jəbi wə Bah wibukumbein Jisəs Klistus bi dzəki.

24 Wi Nȳo wə wi n̄i bəəŋ mbein wi si num a ndzaka wi bein, wi ni fə lə yaka.

25 Bwa bə nih bəbuku, mbein ts̄aki i buku.

²⁶ Mbɛiŋ bôni i bwa bæ nih bəbukumbɛiŋ bəchi mbɛiŋ yâŋyi mâŋni bə bəh mbəni wi bəni bə Nyə.

²⁷ Mih dzakaki a mbɛiŋ kaiŋ i Bah nshiŋ a mbɛiŋ ni fâ lə kiŋwakti kələ i bwa bæ nih bəbukumbɛiŋ nshiŋ bəchi.

²⁸ Ma kinduksi ki Bah wibukumbɛiŋ Jisəs Klistus nômki bəh mbɛiŋ.

**Kinwakti ki Nyɔ Minƙaiŋ Mifian
Chungmboko: Kinwakti ki Nyɔ Minƙaiŋ Mifian (New
Testament+) for Cameroon**

copyright © 2021 Wycliffe Bible Translators, Inc.

Language: Chung (Cung)

Contributor: Wycliffe Bible Translators, Inc.

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-01

PDF generated using Haiola and XeLaTeX on 22 Dec 2025 from source files dated 1 May 2025

ff8b447d-0e78-5782-840d-48c27035a093